

EXERCICIOS CON SOLUCIÓN

1. PAU. Identifica e define brevemente dous dos signos distintivos dunha empresa.
2. PAU ¿Que é o Rexistro Mercantil?
3. PAU. Diferenza entre unha sociedade de responsabilidade limitada e unha sociedade anónima.
4. PAU ¿Qué é unha cooperativa? Distingue entre cooperativas de primeiro e segundo grado.
5. PAU ¿Qué significa que as cooperativas carecen de finalidade lucrativa?
6. PAU¿Qué é unha Sociedade Laboral? ¿As Sociedades Laborais son necesariamente sociedades anónimas?
7. A Sociedade Anónima: características e órganos sociais.
8. Define o concepto de acción e comenta algúns dos dereitos que incorpora.
9. A SLNE: indica as diferenzas coas SL.
10. ¿Como é a responsabilidade dos socios dunha sociedade colectiva?
11. ¿Que responsabilidade teñen os socios nunha Sociedade limitada?

SOLUCIÓNS

1. PAU. Identifica e define brevemente dous dos signos distintivos dunha empresa.

Os signos distintivos da empresa son o nome comercial, a marca e o rótulo do establecemento.

Unha marca é o signo que distingue a un produto doutros similares.

O nome comercial dunha empresa é o signo que a identifica e a distingue das súas competidoras no tráfico mercantil.

O rótulo do establecemento é o signo ou denominación que serve para dar a coñecer ao público un local e para distinguilo de outros.

A actual lexislación protexe as marcas e os nomes comerciais co rexistro na Oficina Española de Patentes e Marcas, pero os rótulos de establecemento xa non poden ser rexistrados.

A marca e o nome comercial é un patrimonio máis da empresa e moitas veces é o activo máis importante, concentrando todo o prestixio e reputación do seu esforzo empresarial.

2. PAU ¿Que é o Rexistro Mercantil?

Oficina de rexistro pública que contén os datos dos empresarios mercantís. Para crear unha sociedade mercantil hai que inscribila no rexistro mercantil correspondente ao seu domicilio.

3. PAU. Diferenza entre unha sociedade de responsabilidade limitada e unha sociedade anónima.

SA. Capital social mínimo de 60.000 € (aproximadamente) dividido en accións libremente transmisibles. Son sociedades abertas. Basta que este capital se desembolse nun 25%.

SRL. Capital social de 3.000 € (aproximadamente) dividido en, participacións non libremente transmisibles. Son sociedades pechadas. O capital debe estar totalmente desembolsado.

4. PAU ¿Qué é unha cooperativa? Distingue entre cooperativas de primeiro e segundo grado.

Unha cooperativa é un tipo de sociedade que agrupa a persoas con intereses comúns. A cooperativa nace para satisfacer eses intereses. A diferenza de outras sociedades, teñen capital variable pola libre adhesión e baixa voluntaria dos socios e socias e contan con estrutura e funcionamento democrático

De primeiro grao se asocian persoas.

De segundo grao se asocian cooperativas

5. PAU ¿Qué significa que as cooperativas carecen de finalidade lucrativa?

As empresas cooperativas non perseguen acumular beneficios monetarios para distribuír entre os socios, senón obter benéficos relacionados coa súa actividade e que repercutan nos seus socios.

6. PAU ¿Qué é unha Sociedade Laboral? ¿As Sociedades Laborais son necesariamente sociedades anónimas?

A sociedade laboral é unha sociedade anónima ou limitada na que a maioría do capital social pertence a os traballadores con un contrato de traballo indefinido e a xornada completa.

Poden ser de dous tipos: Sociedades Anónimas Laborais (S.A.L.) e Sociedades limitadas Laborais (S.L.L.).

7. A Sociedade Anónima: características e órganos sociais.

Características:

- Están reguladas pola Lei de Sociedades Anónimas.
- A responsabilidade dos socios é limitada á súa achega.
- É unha sociedade capitalista e aberta, pois calquera persoa pode ser socia, sen máis requisito que a adquisición de accións.
- Número mínimo de socios: dous. Tamén pode haber un só, pero neste caso é unha sociedade anónima unipersoal (S.A.U.).
- Capital social: non pode ser inferior a 60.101,21 € e está dividido en accións que son libremente transmisibles. O capital deberá estar desembolsado polo menos nun 25%.
- Denominación ou razón social. Pode adoptar calquera nome acompañada da expresión Sociedade Anónima (S.A.) ou no seu caso S.A.U.

Órganos Sociais: Xunta Xeral de Accionistas como órgano de deliberación e decisión e Administradores como o órgano de xestión e representación.

8. Define o concepto de acción e comenta algúns dos dereitos que incorpora.

Unha acción é a parte alícuota en que se divide o capital dunha sociedade anónima.

Tamén pódese definir como un valor negociable. Como título valor outorga dereitos aos seus propietarios (accionistas), como:

- Dereito aos dividendos (parte dos beneficios da empresa que se reparte para cada acción).
- Dereito á parte proporcional do patrimonio resultante en caso de liquidación e peche da sociedade.
- Dereito preferente de subscripción na emisión de novas accións
- Dereito a votar na Xunta Xeneral de accionistas
- Dereito de información (a inspeccionar os documentos contables antes da Xunta Xeral que os aprobe)
- Dereito a impugnar acordos sociais.

9. A SLNE: indica as diferenzas coas SL.

Diferenzas	SL	SLNE
Capital	Mínimo: 3.012 € Non hai máximo Achegas de diñeiro ou bens	Mínimo: 3.012 € Máximo: 120.202 € Só achegas de diñeiro

Socios	Non hai máximo e poden ser persoas físicas ou xurídicas.	Máximo 5 Socios na constitución. Só persoas físicas
Denominación	Nome calquera + SL	Apelidos e nome dun dos socios fundadores + código que facilita a administración + SLNE
Obxecto social	Concreto	Xenérico
Constitución	Non pode ser telemática	Pode ser telemática (moi rápida)

10. ¿Como é a responsabilidade dos socios dunha sociedade colectiva?

A responsabilidade é:

- Ilimitada, sen ningún límite.
- Persoal, os socios responden das débedas da sociedade co seu patrimonio persoal e non só co que achegaron.
- Subsidiaria, os acredores primeiro han de ir contra o patrimonio da sociedade e unha vez esgotado este, os socios responden co seu patrimonio persoal.
- Solidaria: cada socio pode chegar a responder do total da débeda, é dicir, o acredor poderase dirixir ao socio que queira e esixirlle a este a totalidade da débeda (non só a parte proporcional).

11. ¿Que responsabilidade teñen os socios nunha Sociedade limitada?

Os socios da sociedade limitada teñen limitada a súa responsabilidade á contía das súas achegas realizadas como capital social, e polo tanto non responden persoalmente das débedas sociais máis alá das devanditas achegas